



Badmintonimi unamminermi maleruagassat.

Badminton World Federation-imit (BWF) aalajangiunneqarsimasut.

Atuutilersut 26/04/2025. Suliaq 5.0 (1)

Kalaallisut nutsernerini maleruagassat isumaanik isumaqatigiinngittoqarpat maleruagassat tulut-toortut oqariartuutai aallaavigineqartassapput.

Nassuiaatit.

Unammisoq	Inuk kinaluunnit badmintonertoq.
Unammineq	Badmintonimi unammineq akileriinnit ataatsimik marlunnilluunniit peqataasulik.
Ataasiakkaarneq	Ataasiakkaarluni qassutinik akunneqarluni unamineq.
Iligiikkaarneq	Marlukkaarluni qassutinik akunneqarluni unammineq.
Periartussaq	Unammisoq periartussaq.
Tiguisusaaq	Unammisoq periarfigineqartussaq.
Akiorinneq	Periaqqaarnermit aallaaveqartumik patittaaneq sulloqqap uninnissaata tungaanut ingerlasoq.
Patitsineq	Unammisup ketsjerimik anaaseriarnera, arsaaraq eqqorniarlugu.

Inatsisit uingasunik allannillit innarluutillit unannineranni atuutsinneqarput.

1. Unammiffik atortuulu.

- 1.1 Unammiffik issoqqaarissuussaaq, titartakkami figur A-mi titartagaq malillugu iluseqarluni, titarneri 40 mm-mik sulissuseqarlutik.
 - 1.1.1 *Issiavimmik assakaasulinnik badmintonernertunut titartagaq D malillugu unammiffik iluseqassaaq.*
 - 1.1.2 *Nikorfaannarlutik badmintonertunut titartagaq F malillugu iluseqassaaq.*
- 1.2 Titarnerit immikkoortikkuminartuussapput qaqortuullutilluunniit sungaartuussallutik.
- 1.3 Titarnerit tamarmik killilersukkaminnut ilaapput.
- 1.4 Netsit napasui 1,55 m-imik portussuseqassapput unammiffiup naqqaniit uuttorlugit. Netsit taseqqatillugit nappaarissapput, soorlu § 1.10-mi allaaserineqartutut.
- 1.5 Netsit napasui inissinneqassapput iligiiaarluni unammiffiup titarnerini titartagaq A malillugu, unammisut ataasiakkaaraluarpata iligiiaaraluarpataluunniit. Netsit napasui najummisuilu unammiffiup titarnerisa iluanut uiuneqassanngillat.
- 1.6 Netsit sananeqarsimassapput allunaasaq amitsoq taartoq assigiimmik issussusilik atorlugu, nigartai 15 mm-nit mikinerunatik 20 mm-niillu anginerunatik.
- 1.7 Netsit 760 mm-inik itissuseqassapput, minnerpaamillu 6,1 m-imik silissuseqassallutik.




Badminton Kalaallit Nunaat

- 1.8 Netsit quliminni annoraaminermik qaqortumik 75 mm-imik sinaakkuserneqarsimassapput, qimiaa allunaasaasoq imaluunniit wireriusoq poorlugu. Sinaakkutaq qimiaanut tunngassaaq.
- 1.9 Qimiaa allunaasaq imaluunniit wire sukallugu siaarneqassaaq netsit napasuisa qaavatigoortillugu.
- 1.10 Netsit qulaatungaa portussuseqassaaq 1,524 m unammiffiup qeqqaniit uuttorlugu, kiisalu 1,55 m titarnerni avallerni uuttorlugu.
- 1.11 Netsit sinaanni napasunilu akunneqassanngilaq. Pisariaqarpat Netsit sinai tamarmik qilersorneqassapput.

Titartagaq A.

Unammiffik marlukkaartunut ataasiakkaartunullu.



2 Arsaaraq.

- 2.1 Arsaaraq mequinnik imaluunniit mequusanik sananeqateqarsimassaaq. Arsaaraq qanorluunniit suliarineqarsimatillugu, arsaqqap ingerlaasia assigiissaaq, soorlu arsaqqat mequinnik suliarineqarsimasut ingerlaasaat naapertorlugu kiisalu naqqua simissamik sananeqaatilik amermik saattumik poorneqassalluni.
- 2.2 Arsaaraq meequinnit sanaaq.
- 2.2.1 Arsaaraq 16-inik meqqortaqaassaaq, naqqanut aalajangiussanik.



Badminton Kalaallit Nunaat


- 2.2.2 Meqqut takissusai uuttorneqassapput nuuniit naqquta killinganut. Takissusaat 62 mm-imiit 70 mm-imut nikerarsinnaapput.
- 2.2.3 Meqqut nuui nigalertut iluseqassapput diameteria 58 mm-imiit 68 mm-imut annertutigaluni.
- 2.2.4 Meqqut qajannaatsumik aalajangerneqarsimassapput ujaloq imaluunniit alla naleqquttoq atorlugu.
- 2.2.5 Naqqua diametereqassaaq 25 mm-imiit 28 mm-ip tungaanut, nuualu qaarajussalluni.
- 2.2.6 Arsaaraq oqimaassuseqassaaq 4,74 gram-imiit 5,50 gram-ip tungaanut.
- 2.3 Arsaaraq allatut sanaaq.
- 2.3.1 Arsaqqap allatut sanaap timitaa meqqullip timitaatut iluseqassaaq.
- 2.3.2. Naqqua allaaserineqarpoq § 2.2.5-imi.
- 2.3.3. Angissuseq oqimaassuserlu §§ 2.2.2., 2.2.3 aamma 2.2.6.-ni allaaserisanut assingussapput. Taamaattorli meqquusanik sanaat 10 %-it tungaanut nikingatigisinnaaneri akuerisaapput.
- 2.4 Arsaqqap namminermini ilusaa, sukkassusia ingerlaasialu allanngortinneqanngikkaluartut, piffinni silaannaap sunniutai atuutsillugit, soorlu qatsissuseq imaluunniit silap allangorarnera peqqutaalluni, arsaaraq atorsinnaajunnaarpat sananeqataani aalajangersakkat allanngortinneqarsinnaapput nunami kattuffiup tamanna akuerippagu.

3. Arsaqqamik misileraaneq.

- 3.1. Arsaqqamik misileraaneq atsittumik patitseriaaseq atorlugu misilinneqassaaq, arsaaraq patinneqarluni unammiffiup titarnerata tunorliup nalaaniit. Arsaaraq qummoortumik patinneqassaaq sinaani titarnerit malillugit.
- 3.2 Arsaaraq eqqortumik sukkassusilik tussaaq naannerpaamik 530 mm takinerpaamik 990 mm unammiffiup illuatungaani titarnermiit tunorlermiit (takujuk titartagaq B).

**Titarnerit
arsaaqqamut
misilittaafiu-
sinnaasut.
(Takuuk § 3.2.)**

Titartagaq B




4. Ketsjeri.



Badminton Kalaallit Nunaat

- 4.1 Ketsjeri tamakkiisumik takissusia 680 mm-imit takinerussanngilaq kiisalu 230 mm-imit sanimut silinnerussanani. Ketsjerip immikkoortui §§ 4.1.1 – 4.1.5-ni aalajangersagaapput titartak-kamilu C-mi takutinneqarlutik.
- 4.1.1 Tigummiarfia tassaavoq ketsjerip ilaa tigummivik.
- 4.1.2. Noqarteqarfia tassaavoq ketsjerip ilaa, tassuuna unammisup arsaaraq eqqortartussaallugu naatsorsuussaq.
- 4.1.3 Niaqua tassaavoq noqarteqarfia.
- 4.1.4. Ipuata tigumiarfianiit niaquanut atanilerpai (§ 4.1.5).
- 4.1.5. Qungasia (taamaattoqarpat) atanilerpaa ipua niaquanut.

Titartagaq C, kejsjeri



- 4.2 Noqarteqarfia:
 - 4.2.1 Ketsjerip noqartilersorfia toqqissuussaaq, noqartillu perlaallugit nuineqassallutik, tulliani qulaatigut tulliani ataatigut nuisaallutik imaluunniit qilerneqarsimassallutik noqartit paarlaffiini, aamma
 - 4.2.2. Noqarteqarfia takinerani 280 mm-imit takinerussanani, silinnerpaaffianilu 220 mm-imit silinnerussanani. Taamaattorli noqartilerfianut qinngua ilaatinneqarsinnaavoq,
 - 4.2.2.1 annertunerunerata silissusia 35mm-init silinnerunngippat aamma
 - 4.2.2.2 annertunerunerata takissusia 330 mm-imit takinerunngippat.
- 4.3 Ketsjeri.



Badminton Kalaallit Nunaat

4.3.1 Ikkussuiffigineqassanngilaq nivinngaavigineqarsimassananilu, taamaallaat tamakku nungul-larnaveeqqutitut sajuttoornaveeqqutitut pinaveersaarutit imaluunniit oqimaassusianut assigiissaarutaasut imaluunniit unammisup assanut pituttuineq, naapertuuttumik angissusil-lit, siunertaasutullu inissitat kiisalu

4.3.2. ketsjerip ilusaanik allanguinissamut periarfissiinermut aaqqissuussaassanatik.

5. Atortut akuerineqarneri.

5.1 Eqqortinneri.

BWF-ip apeqqutit suulluunniit aalajangiiffigissavai, ketsjeri, arsaaraq atortulluunniit ilaa nassaarlunniit badmintonermermi atortoq taakkununga aalajangersaakkanut naapertuun-nersoq. Aalajangiinerit tamakku BWF-ip nammineq qaqissinnaavai imaluunniit kimilluunniit unamminermik soqutiginnittup qaqissinnaavai, allaat unammisup, teknikkikkut sulisup, atortunik sanasup, kattuffiup arlaata taakkulu ilaasortaasa.

5.2. *Innarluutillit badmintonerinerini immikkut atortut.*

Innarluutillit badmintonerinerini issiaviit assakaasullit ajaappissallu atorineqarsinnaapput.

5.2.1. *Unammisup uinia issiavimmut assakaasulimmut aalajangerneqassaaq tasisuaartumik qiteru-serlugu.*

5.2.2. *Issiavik assakaasulik uppinnaveeqquserneqarsinnaavoq, tallineqarsinnaasumik assakaasua saneqqullugu.*

5.2.3. *Unammisup isigai issiaviup assakaasullip tuckerfianut aalajangerneqassapput.*

6. Makitsineq.

6.1 Unammineq aallartitsinnagu makitsisoqassaaq, makitsinermilu ajugaasoq qinersisinnaalis-saaq § 6.1.1 imaluunniit § 6.1.2 toqqassallugu.

6.1.1. Periaqqaassanerluni imaluunniit akeriaqqaassanerluni.

6.1.2. Unammiffiit arlaanni aallartissanerluni.

6.2. Makitsinermi ajorsartup inatsisini qinigassat sinneri toqqassavai.

7. Kisitsineq.

7.1. Unammineq ingerlanneqassaaq immikkoortuni pingasuusuni pitsaaneqqusaalluni, allatut aalajangiisoqarsimanngippat (BWF Statutes, Section 4.1.3 aamma Statutes 4.1.4).

7.2. Immikkoortoq ajugaaneqassaaq, unammisumit 21-nik pointinnaqqaartumit, §§ 7.4 aamma 7.5 nalaanneqarneri eqqaassanngikkaanni.



Badminton Kalaallit Nunaat

- 7.3 Akioriinnermi ajugaasoq pointinnassaaq. Akioriinneq ajugaaneqassaaq unammisaq “kuk-kuppat” imaluunniit arsaaraq ingerlajunnaarpat unammisap unammiffiani natermut tutsineqarpat.
- 7.4. Unammisut tamarmik 20-nik pointinnappata, imikkoortoq ajugaaneqassaaq unammisut arlaat pointinik marlunnik siuaqqaartumit.
- 7.5. Tamarmik 29-nik pointinnappata immikkoortoq ajugaaneqassaaq unammisumit 30 pointimut angummateqqaartumit.
- 7.6. Immikkoortumik ajugaasoq immikkoortup tulliani periaqqaassaaq.

8. Unammiffinnik paarlaanneq.

- 8.1 Unammisut paarlaatisapput:
 - 8.1.1. immikkoortup siulliup naammassinerani,
 - 8.1.2. immikkoortut pingasuussappata, taassuma aallartinnginnerani kiisalu
 - 8.1.3. immikkoortut pingajuanni arlaat 11 pointinut killippat, innaarluutillit unamminerit eqqaas-sanngikkaanni (BWF Statute Section 4.1.3).
- 8.2 Unammisut § 8.1-imi allaaserineqartutut paarlaatinngitsoorsimappata, paarlaatissapput kuk-kuneq paasineqarpat arsaaqqallu uninnerani, angusaminnillu killiffitsik tigummiinnassavaat.

9. Periarneq.

- 9.1 Eqqortumik periarnermi arsaaraq periartup ketsjerimik patinneqarnerani qummukaartumik ingerlassaaq netsit qarsullugit unammisap inissisimaffianut nakkariassalluni (titarnerit eqqor-lugit imaluunniit taakku iluani), unitsinneqanngikkuni kiisalu
 - 9.1.1. illugiit arlaannaataluunnit pisariaqanngitsumik periarnissaaq kinguarsassanngilaat, periartus-saq akeriartussarlu periarnissamut piareeqqatillugit.
 - 9.1.2. periartussap ketsjerimi niaquata tunummut nikisinneraniit periarnerup aallartinnerani ki-nguarsaaneq sunaluunniit (§ 9.2) pisariaqanngitsumik kinguarsaanertut isigineqassaaq.
 - 9.1.3 periarthoq tiguisussarlu tukimut akileriillutik inissisimassapput (titartagaq A), titarnerit periar-finnut killilersuutaasut attornagit.
 - 9.1.3.1 *Innarluutillit issiavimmi assakaasulinni nikorfallutillu unamminerini unammiffiup affaani unammisunut tiltartagaq D, F-ilu malillugu.*
 - 9.1.4 periarthoq akisisussallu isigaat tamarmik uninngallutik unammifiup naqqani inissisimassaput, periarnerup aallartinneranit (§ 9.2) naammassineranut (§ 9.3).



Badminton Kalaallit Nunaat

9.1.4.1 *Issiavimmi assakaasulimmi badmintonernermi: periarnerup aallartinneranit naam-massineranut unammisut issiaviisa assakaasui uninngassapput periartup periarner-mini assakaasuminik nikittoornera eqqaassanngikkaanni.*

9.1.5 periartup arsaaraq qipitinnagu iperassavaa ketsjerillu arsarsaaqqap naqqua eqqoqqaarlugu.

9.1.6 periartup ketsjeriata arsaaraq eqqorpagu, arsaaraq tamarmi unammiffiup naqqanit 1,15 m-imit atsinnerussaaq.

9.1.6.1 *Issiavimmi assakaasulimmik badmintonernermi arsaaraq periartup uniiniit atsinne-russaaq ketsjerimik eqqorneqarnermini.*

9.1.6.2 *Parabadmintonernermi, nikorfalluni unammisuni periarneq malittarisassat 9.1.6 (a) aamma (b) atuupput.*

MALUGIUK!

Qulaani aallarteriarnemi malittarisassaq § 9.1.6 atuuppoq BWF-ip tamani unamitsinerani, Grade 1, 2, 3 aamma Junior International ilanngullugu Continental Championships-ini aammalu Badminton Danmarkip ukunani unammisitsinerani:

- a. Senior DM.
- b. Elite Grand Prix-turneringini Grand Prix-finalit pinnagit.
- c. Mesterrække Grand Prix-turneringini.
- d. Badmintonligami, unamminerit tamarmik, Badmintonligamiit appartussanngorniunnerit ilanngullugit.

Ataasiakkaani iligiikkaarlunilu Danmarkimi unamminerni – allatut aalajangiisoqarsimanngippat – qini-gassatut malinneqassapput § 9.1.6:

9.1.6 a) arsaaraq tamarmi qitip ataaniitinneqassaaq periartup ketsjerianik arsaaqqap eqqorne-qarnerani. Qiteq nassuiarneqarpoq eqqarsarluni titarneq qiteq kaajallaallugu inissinneqar-simasoq qaffasissuseqarluni periartup najungasuisa allarpaap nalaaniit.

b) periartup ketsjeriata ipua niaqualu, arsaaqqap eqqornerani, ammut sammissaaq.

9.1.7 periartup ketsjeria siumut unitsinnagu ingerlanneqassammat periarnerup aallartinneraniit (§ 9.2), periarnerullu naammassinissanut (§ 9.3).

9.1.8 periartup aallartitseriarnermi arsaaraq uniussanngilaa.

9.2 Unammisut periarnissamut piareersimappata, periarneq aallartittutut naatsersuutigineqar-tarpoq periartup ketsjerimi niaquata siumut aallartinneraniit.

9.3 Periarnerup aallartinnera naatsersuutigineqassaaq, arsaaraq periarnerup siumut aallarteq-qaarneraniit aallartittup ketsjerianik eqqorneqarpat imaluunniit periarnemi arsaaraq uniorne-qarpat.



Badminton Kalaallit Nunaat

- 9.4 Periarloq aallartissanngilaq, tiguisusaaq piareertinnagu. Kisiannili arsaaraq utertinniarlugu qisuariarpat, tiguisusaaq piareersimasutut nalilerneqassaaq.
- 9.5 Marlukkaarluni allartitsinermini (§§ 9.2 aamma 9.3), unammeqatit nammineq immikkoortortaminni sumiluunniit inississinnaapput, aallartitsisussap imaluunniit tiguisusussap isikkivia ajoqusersunngikkunikkit.

10. Ataasiakkaarneq.

- 10.1 Periarfik tiguisiffillu.
- 10.1.1 Unammisut periarlutillu tiguisissapput unammiffiup talerperliani immikkoortumi pointii 0 imaluunniit akunnaatsuuppata.
- 10.1.2 Unammisut periarlutillu tiguisissapput unammiffiup saamerliani immikkoortumi pointii akunnattuuppata.
- 10.1.3 *Innarluutillit badmintonernerini, unammiffiup affaani inissiismasut, periarlut tiguisullu periassapput tiguisillutillu iniminni.*
- 10.2 Unammineq unammiffillu arsaaraq ingerlaatillugu periarlut tiguisullu paarlakaallutik eqqortassavaat sumiluunniit unammiffiminni, netsinik akunneqartumi, arsaqqap uninnissaata tungaanut (§ 15).
- 10.3 Point periarnerlu.
- 10.3.1 Periarlut akiorinneq ajugaaffigippagu (§ 7.3) periarloq pointinnassaaq. Periarloq aammaarluni periassaaq, tamatumuuna periarfiup illuatungaaniit.
- 10.3.2 Tiguisup akiorinneq ajugaaffigippagu (§ 7.3) tiguisoq pointinnassaaq. Tiguisoq maanna periarlussanngussaaq.

11. Iligiikkaarneq.

- 11.1 Periarfik, tiguisiffik.
- 11.1.1 Unammisoq periarlussaaq unammiffiup aggornerata talerperlianiit periassaaq, periarlussat immikkoortumi tassani nul-imik imaluunniit akunnaatsunik pointeqarpata.
- 11.1.2 Unammisoq periarlussaaq unammiffiup aggornerata saamiatungaaniit periassaaq, periarlussat immikkoortumi tassani akunnattunik pointeqarpata.
- 11.1.3. Tiguisuni unammisoq kingullermik periarloq, kingullermik periarfimmini inissisimassaaq.
- 11.1.4. Tiguisuni unammisoq, periarlussap tukimut akianiit tiguisuussaaq.
- 11.1.5. Unammisut aatsaat periarfinni nikittassapput periareerlutik pointinnakkaangamik.



Badminton Kalaallit Nunaat

11.1.6 Periarneq tamatigut pisassaaq periarfimmiit pointit malillugit, § 12-mi aalajangersakkat eqqaassanngikkaanni.

11.2 Unamineq og unammifillu.

Akioriinnermi periarlut unammisui arsaqqamik patittaasinnaapput unammiffimminni sumi-luunniit, soorlu tiguisut unammisui arsaqqamik patitsisinnaasut unammiffimminni sumi-luunniit, arsaqqap ingerlaarunnaarnissaata tungaanut (§ 15).

11.3 Pointit periarnerlu.

11.3.1 Periarlut akioriinneq ajugaappassuk (§ 7.3) pointinnassapput. Periarloq periaqqissaaq, tama-tumuuna periarfiup illuatungaaniit.

11.3.2 Tiguisup akioriinneq ajugaaffigippassuk (§ 7.3) pointinnassapput. Taava tiguisoq periarlus-sanngussaaq.

11.4 Periarlussat tulleriiaarneri.

Immikkoortuni tamani periarlussaataaneq imaassaaq:

11.4.1 periarloq siulleq periarfimmiit talerpillermit immikkoortumik aallarniisoq.

11.4.2 tiguseqqartup unammeqataanut. Periarneq periarfiup saamerlianiit pissaaq.

11.4.3 periaqqaartup unammeqataanut.

11.4.4 tiguseqqaartumut.

11.4.5 Periaqqaartumut, taamatullu ingerlassalluni.

11.5 Unammisoq kinaluunniit periarlussaananani periasanngilaq, tiguisusnaanani tiguisanngilaq imaluunniit periarnerit tullerit tigusanngilaat immikkoortumi ataatsimi, § 12-mi eqqartorne-qartut eqqaassanngikkaanni imaluunniit pissusilunneq peqqutigalugu “kukkunermik” aalajangiisoqarsimappat.

11.6 Unammisut ajugaasuusut nammineq aalajangissavaat, immikkoortup tulliani arlaat perias-sanersoq, kiisalu unammisut ajorssartuusut nammineq aalajangissavaat arlaat tiguisuus-sanersoq.

12 Periarfimmi kukkuneq.

12.1 Periarfimmi kukkuneq pissaaq, unammisoq:

12.1.1 pisusnaanani periarpat imaluunniit tiguisippat imaluunniit

12.1.2 periarlappat imaluunniit tiguisimappat kukkusumik inissilluni.



Badminton Kalaallit Nunaat

- 12.2 Periarfimmi kukkuneq paasineqarpat, kukkuneq iluarsineqassaaq arsaaraq unippat pointigulli killiffik atatinneqaannassaaq.

13. Kukkuneq.

“Kukkuneq” pissaaq:

- 13.1 periarneq eqqortumik ingerlanneqarsimanngippat (§ 9.1).
- 13.2 arsaaraq periarnermi:
- 13.2.1 netsit eqqorpagit qaavanilu uninngaannarpat
- 13.2.2 netsit qulaappagit, kingornalu tassani nivingaannarpat imaluunniit
- 13.2.3 tiguisussap unammeqataanit eqqorneqarpat,
- 13.3 arsaaraq ingerlatilluni:
- 13.3.1 unammiffiup titarnerisa avataanut tuppat (imaangitsoq titarnernut imaluunniit titarnerit iluutungaannut),
- 13.3.2 netsit qulaatinngippagit,
- 13.3.3 illup qilaava igaaluunniit attorpagu,
- 13.3.4 unammisoq imaluunniit atisai attorpagit,
- 13.3.4.1 Parabadmintonermermi issiaviit assakaasullit ajaappissallu unammisup timaanut ilaatinneqarput.*
- 13.3.5 unammiffiup avataanni sunaluunnit inulluunniit eqqorpagu,
- (Illup pissusaata pisariaqartippagu, piffimmi badmintonimi oqartussaasut, nuna tamakkerlugu kattufiup akuersineratigut, immikkut aalajangersaasinnaapput pissutsini tamani arsaqqap arlaannut attuuffgisinnaasai pillugit).
- 13.3.6 patitsiniarnermi ketsjerimit qaluneqarpat, tassaniiginnarlunilu erfagiunneqarpat,
- 13.3.7 unammisumit malitsiinnarlugu marloriarluni patinneqarpat. Arsaaraq patittaaip sinaanik noqartiinillu eqqorneqarpat “kukkuneq”-runngilaq.
- 13.3.8 unammisumit eqqorneqariarluni unammeqataanit eqorneqarpat, imaluunniit
- 13.3.9 unammisup ketsjeria eqqorpagu, unammisaatalu unammiffianut ingerlanani,
- 13.3.10 Issiavinnik assakaasulinnik atorluni badmintonermermi, arsaaraq:



Badminton Kalaallit Nunaat

13.3.10.1 netsinut tuppat, taakkulu qaavanni naatisimaannarpat, imaluunniit

13.3.10.2 netsit qarsutereerlugit naatilluni nivingaannarpat.

13.4 unamminerup ingerlanerani, unammisup:

13.4.1 netsit taakkuluunniit napasui ketsjeriminik, timiminik imaluunniit atisaminik attorpagit,

13.4.2 ketsjer imaluunniit timip ilaa netsit qulaallugit unammisami inaanut qulangiutsippagit, taamaattorli ajornanngilaq nammineq unammiffimmini arsaaraq patereerlugu ketsjeri unammisami inaanut qaangertinneqarpat,

13.4.3 ketsjeri imaluunniit timip ilaa netsit ataatigut unammisami unammiffianut pisippagu, unammisani akornguserlugu,

13.4.4 unammisani akuerisaasumik arsaaraq netsit qulaallugit ketsjerimik malillugu patitsiniartog akorngusersorpagu,

13.4.5 piaaraluni unammisani akorngusersorpagu, soorlu nillialluni imaluunniit allatut pissusilersorluni,

13.4.6 *Issiavinni assakaasulinni badmintonermermi*

13.4.6.1 arsaaqqap patinnerani unammisup timaata arlaannaataluunniit issiavittaa attuumanngippassuk.

13.4.6.2 isikkat toqqaviani isikkat aalajangerneqarsimaneri kaanngarsimappata.

13.4.6.3 arsaaqqap ingerlanernai, unammisup isikkaminik nateq qanorluunniit attorpagu.

13.5 unammisoq pisuuguni sakkortuumik, uteqqiattumik imaluunniit ingerlaavartumik pissusilunermik § 16 naapertorlugu.

14. Periarnerup uteqqinera ("LET" – "Aatsaat").

14.1 "Aatsaat" dommerip aalajangiutissavaa imaluunniit unammisup (unammineq dommereqanngippat), unamineq unitsinniarlugu.

14.2 "Aatsaat" periaqqittoqassaaq, ima pisoqarpat

14.2.1 tiguisusaaq piariinngitsoq periartussaq periarpat.

14.2.2 periarnermi periartog tiguisorlu ataatsikkut kukkunerarneqarpata,

14.2.3 periarnerup utertinneqarnerani, arsaaraq:

14.2.3.1 netsinut attuuppat taakkulu qulaatungaani nivingaannarpat,



Badminton Kalaallit Nunaat

14.2.3.1.1 *Issiavinni assakaasulinnik badmintonermermi tamanna "kukkuneq"-ruvoq*

Imaluunniit

14.2.3.2.2 netsit qulaatereerlugit, illuatungaani nivingaannarpat,

14.2.3.2.1 *issiavinni assakaasulinni badmintonermermi tamanna "kukkuneq"-ruvoq.*

14.2.4 arsaaraq, ingerlaarnermini isappat naqqualu timitaaniit kaanngarpat,

14.2.5 dommerip naliliinerani unammineq akornguserneqarpat, imaluunniit unammisoq unammisap sungiusaasuanit akorngusersorneqarpat,

14.2.6 titarnermi dommerip isigisinnaasaa assersorneqarpat, dommeri imaluunniit IRS (Instant Review System) aalajangiisinnaajunnaartillugit imaluunniit

14.2.7 takorluugaanngitsumik imaluunniit nalaatsornermit aallaaveqartumik unammineq pitsaaliorneqarpat.

14.3 "Aatsaat"-mik aalajangiisoqartillugu, periarnermi kingullermiit unammineq atuutsinneeqas-saaq, periarsimasorlu periaqqissalluni.

15 Arsaaraq ingerlajunnaarpoq.

Arsaaraq ingerlajunnaartutut isigineqassaaq:

15.1 periartup inaani netsinut napasuinulluunniit attuuppat, natermullu nakkariartulerluni periartup tungaani,

15.2 unammiffiup qaava eqqorpagu, imaluunniit

15.3 "kukkuvoq" imaluunniit "aatsaat" pisimappata.

16 Unamminerup ingerlatinnera, pissusilunneq, pillaatit.

16.1 Unammineq periaqqaarnermiit naammassinerata tungaanut ingerlaavartumik pissaaq, inatsi-sini §§ 16.2 aamma 16.3-ni pisut eqqaassanngikkaanni *issiavinnilu assakaasulinnik unam-minermi §16.5.3.*

16.2 Unikkallarneq:

16.2.1 Immikkoortuni tamani pointit 11-anni 60 sekundinit sivisunerunngitsoq, *innarluutillit unammineri eqqaassanngikkaanni (BWF Statutes, Section 4.1.3)*, kiisalu

16.2.2 Unamminerni tamani immikkoortup siulliup tulliatu kiisalu immikkoortup aappaata pingajuatalu akorngini 120 sekundinit sivisunerunngitsoq.

(Unamminerni TV-kkut aallakaatinneqartuni unammineq aallartitsinnagu Referee-p



Badminton Kalaallit Nunaat

aalajangersinnaavaa, unikkallarnerit § 16.2-mi pineqartut malinneqassasut aalajangersima-sumillu sivilissuseqassasut).

16.3 Unamminerup kipitinneqarnera.

16.3.1 Pissutsit unammisut sunnersinnaanngisaasa pisariaqartilerpassuk, dommerip unamineq kipitiinnarsinnaavaa, piffissamik pisariaqartitaminik sivilissusilerlugu.

16.3.2 Immikkut ittunik pisoqartillugu refereep dommeri peqqusinnaavaa unamineq kipiteq-qullugu.

16.3.3 Unamineq kipitinneqarpat, pointit anguneqarsimasut atatiinnarneqassapput, taakkunanngaanniillu unamineq nanginneqassalluni.

16.4 Unamminerup kinguarsarneqarnera.

16.4.1 Qanorluunniit unamineq kinguarsarneqassanngilluinnarpoq unammisoq qasuersaartinniarlugu, anernigissartinniarlugu imaluunniit siunnersorniarlugu.

16.4.2 Dommerip kisimi aalajangiussinnaava unamineq kinguarsarneqarnera.

16.5 Siunnersorneqarneq unammiffiullu qimanneqarsinnaanera.

16.5.1 Taamaallaat arsaaraq uninngatillugu (§ 15), unammisullu periarfissaminnut tigussiffissaminnul-lu inissinnissami tungaannut, unammisoq unamminermi siunnersorneqarsinnaatitaavoq.

(Danmarkimi aalajangiunneqarsimavoq unammisartut U9, U11, U13 aamma U15-ni unammisut unamminerini sungiusarneqarsinnaassasut/siunnersorneqarsinnaassasut, ilas-summi “Inuusuttunut coacherineri malittarisassat”-ni aalajangersakkat naapertorlugit).

Illassut “Inuusuttunut coacherineri malittarisassat”.

Immikkoortoq 16.5.1-imut “Inuusuttunut coacherineri malittarisassat”-nut tunngasoq.

Danmarkimi inuusuttunut badmintonimi unammineri coacherineri malittarisassat atuutut.

Coacherineq	U9/U11	U13	U15	U17->
Unamminerit akornanni	Akuerisaanngi-laq	Akuerisaanngi-laq	Akuerisaanngi-laq	Akuerisaavoq
Immikkoortup unikkallarnernerani	Akuerisaanngi-laq	Akuerisaanngi-laq	Akuerisaavoq	Akuerisaavoq
Immikkoortup akornanni	Akuerisaavoq	Akuerisaavoq	Akuerisaavoq	Akuerisaavoq

16.5.2 §16.2-mi unikkallarnerit eqqartorneqartut eqqaassanngikkaanni, unammisut unammiffik qimassinnaanngilaat - taamaaliornikkullu unamineq kinguarsarlugu – dommerimit akuerineqqaartinnatik.



Badminton Kalaallit Nunaat

16.5.3 *Issiavinni assakaasulinni badmintonernermi akuerineqassaaq unikkallarnernerit ataatsimik ilaneqassappata, unammisup unammiffik qimattariaqarpagu quisarfini taarserniarlugu. Unammisoq BWF-imit akuerisaasumit kimilluunniit ingiaqatigineqassaaq.*

16.6 Unammisoq

16.6.1 piaaraluni kinguarsaassanngilaq imaluunniit unamminermik unitsitsiniarluni,

16.6.2 piaaraluni arsaqqamik allannguissanngilaq ajoqusiilluniluunniit, sukkassusia ingerlaasia-luunniit allanngortinniarlugu,

16.6.3 kamannermik imaluunniit naleqqutinngitsumik pissuseqassanngilaq, imaluunniit

16.6.4 allatigulluunniit pissusilunermik siuliani allaaserineqareersimanngitsumik aallaavilimmut pisuuguni

16.7 Aalajangersakkat unioqqutinneqarneri.

16.7.1 Dommeri iliuuseqassaaq §§ 16.2, 16.4.1, 16.5.2 aamma 16.6 sukkulluunniit unioqqutin-neqarpata:

16.7.1.1 unioqutitsisimasooq soorasaarummik tunillugu, imaluunniit

16.7.1.2 “kukkuvoq” nalunaarutigalugu unioqutitsisunut, siusinnerusukkut taakku soora-saarummik tunineqareersimappata, imaluunniit

16.7.1.3 “kukkuvoq” nalunaarutigalugu, unioqutitsisunut inatsisit qulaani pineqartut annertuumik unioqqutippatigit.

16.7.2 §§ 16.7.1.2 imalt. 16.7.1.3 malillugit “kukkuvoq” nalunaarutigineqarsimappat, dommerip tamanna ingerlaannaq nalunaarutigissavaa refereemut, taassuma unioqutitsisoq anisis-sinaammagu.

17 Officialitut toqqakkat naammagittaalliornissamullu periarfissat.

17.1 Referee unamminermi ajugaanniunermiluunniit unammiffiusumi annerpaamik oqartussaa-suuvoq.

17.2 Dommeri toqqarneqarsimappat, taanna unamminermi tassani, unammiffimmi taassumalu eqqaani oqartusaasuuvoq. Dommerip referee sinnerlugu unamminermi aqutsisuuvoq.

17.3 Periarnermi dommerip nakkutigissavai periartup kukkuner (§§ 9.1.2-mit 9.1.8-mut).

17.4 Titarnerni dommerip nakkutigissavai arsaaraq isernersoq imalluunniy aninersoq, titarnerni nakkutigisassamisut innersuussaasuni.

17.5 Officialitut toqqagaq pisuni tamani akisusaaffigisamini inaarutaasumik aalajangiisussaati-taavoq, makku eqqaassanngikkaanni:



Badminton Kalaallit Nunaat

- 17.5.1 dommerii qularnaatsumik naliliippat titarnermi dommeri kukkusumik aalajangiisoq, tassani-lu titarnermi dommerip aalajangiinera allanngortittussaallugu.
- 17.5.2 Instant Review System (IRS) atorneqarpata, taakkumi tunngavigalugit aalajangiisoqassammat titarnerni dommerip aalajangiineri apeqquserneqarpata (BWF Statutes, Section 4.1.8).
- 17.6 Dommeri pisussaavoq:
 - 17.6.1 unamminermi malittarisassat malinneqarnissaat nakkutigissallugit minnerunngitsumillu nalunaartassalluni "kukkuneq" imaluunniit "aatsaat" atorlugit, taamatut pisoqarsimappat.
 - 17.6.2 isumaqatigiinnginneq pilersimappat aalajangiissalluni, tamanna saqqummiunneqarpata periarnernup tulliup pinnginnerani,
 - 17.6.3 isumannaassallugu unammisut isiginnaartullu unammineq pillugu malinnaatinneqarnissaat,
 - 17.6.4 titarnerni periarnernilu dommerit toqqassalugit imaluunniit referee isumasioqatigereerlugu peertissallugit,
 - 17.6.5 suliaassani pineqartuni officialiusussanik toqqaasoqarsimanngippat, taakku suliaassaralui suliarissallugit,
 - 17.6.6 officialitut toqqakkap takunnissinnaanera asseqqappat, taassuma suliaassaa suliarissallugu imaluunniit "aatsaat" nalunaarutigalugu,
 - 17.6.7 pisut tamaasa nalunaarsussallugit § 16-mi pineqartut refereemullu nalunaarutigalugit kiisalu
 - 17.6.8 ingerlateqqiissutit naammassineqanngitsut tamaasa referee-mut ingerlatissallugit, taamaal-laalli unamminermi malittarisassat qanoq paasineqarnisaannut tunngasut. (Ingerlatitseq-qiissutit taamaattut nalunaarutigineqassapput periarnissap tulliuttup pinnginnerani imaluunniit unamminerup naammassinerani unammisut unammiffimmit qimagutinngin-nerini).



Badminton Kalaallit Nunaat

Nalunaarsugaq: tamani titartakkani tulliuttuni atuupput




= unammiffik unamminerup nallaani aamma



= aallartiffik

Titartagaq D




Aallartiffiup
titarnera saarleq

Aallartiffiup
titarnera tunorleq

Issiavimmik assakaasulinnik unammisartuusut ataasiakkaarinnermi parabadmintonimi unammisarfia.

Titartagaq E



Aallartiffiup
titarnera saarleq

Aallartiffiup
titarnera tunorleq

Issiavimmik assakaasulinnik unammisartuusut iligiikkaarnermi parabadmintonimi unammisarfia.

[illegible]

Aallartiffiup
titarnera tunorleq

Nikorfallutik unammisartuusut allat tamarmik unammiffik nalinginnaasq (titartagaq A) atussavaat ataasiakkaarnermi iligiikkaarnermilu.